

DEBATES
ON EUROPE

დაბათები ევროპაზე თბილისი 2026

12-13 ივნისი

განათლებისთვის
for education



მეცნიერებისთვის
for science

თავისუფლებისთვის
for freedom

დებატები ევროპაზე – თბილისი 2026

12-13 ივნისი

2026 წლის ივნისში „დებატები ევროპაზე – თბილისი 2026“ საქართველოში, თბილისში იწვევს ცნობილ მოაზროვნეებს თავისუფლების, ისტორიისა და დემოკრატიის აქტუალურ საკითხებზე მსჯელობისთვის. რა ადგილი უკავია საქართველოს ევროპის წარსულში, აწმყოსა და მომავალში?

შემოგვიერთდით, ერთად ვიმსჯელოთ!

პანასკვი, 12 ივნისი

საჩარო ღისუნიევი ილიას სახელმწიფო უნივერსიტეტში

🕒 15:30–17:00

მისასალმებელი სიტყვით წარდგებიან:

ნინო დობორჯინიძე, ილიას სახელმწიფო უნივერსიტეტის რექტორი

ზანე რუნგლე, საქართველოში ევროკავშირის წარმომადგენლობის საქმეთა დროებითი რწმუნებული

კარლ ჰენრიკ ფრედრიკსონი, პროგრამის „დებატები ევროპაზე“ დირექტორი (შვედეთი/ავსტრია)

ფიქრი, საუბარი და წერა გენოლის ქვეშ – აკადემიური თავისუფლება

პანელური დისკუსია სიტყვის თავისუფლების შესახებ. მთელ ევროპაში ირღვევა ფუნდამენტური დემოკრატიული თავისუფლებები, გამოწვევის არც აკადემიური თავისუფლება წარმოადგენს – იქნება ეს ეკონომიკური თუ პოლიტიკური ზეწოლა, სტრუქტურული რეფორმები თუ „გამოსადეგი ცოდნის“ უპირატესობა „კრიტიკულ აზროვნებაზე“, სკოლები და უნივერსიტეტები თავდასხმის ობიექტები ხდებიან. ქართველი და საერთაშორისო მეცნიერები იმსჯელებენ მიმდინარე საფრთხეებსა და მათ ისტორიულ წინაპირობებზე, არსებობს თუ არა აკადემიური და საგანმანათლებლო სისტემის დაცვის სტრატეგიები?

მოდერატორი:

ფოლკერ ვაიქსელი (ჟურნალ Osteuropa-ის რედაქტორი, გერმანია)

მომხსენებლები:

გიგა ზედანია (ილიას სახელმწიფო უნივერსიტეტის უმაღლესი კვლევების ცენტრის დირექტორი, საქართველო)

დუბრაჟკა სტოიანოვიჩი (ბელგრადის უნივერსიტეტის ისტორიის პროფესორი, სერბეთი)

ჟოფია ბანი (მწერალი და მოჰოლი-ნაგის ხელოვნებისა და დიზაინის უნივერსიტეტის ვიზუალური კულტურის კვლევების ასოცირებული პროფესორი, უნგრეთი)

🕒 18:30

კარლ შლიოგელის მთავარი მოხსენება „ევროპის ისტორიისა და დღევანდელობის ახლებური გააზრება“

გერმანელი ისტორიკოსი, გერმანული წიგნის ინდუსტრიის მშვიდობის პრემიის მფლობელი კარლ შლიოგელი ისაუბრებს იმის შესახებ, რომ საბჭოთა იმპერიის დაშლა და რუსეთის ომები უკრაინასა და საქართველოში მოითხოვს ევროპის ისტორიისა და დღევანდელობის რადიკალურ გადაფასებას; მეტიც, ეს მოვლენები ხელახალ გააზრებას საჭიროებს, თუ გვინდა, რომ სიმართლეს მივუახლოვდეთ.

ილიას სახელმწიფო უნივერსიტეტი კარლ შლოგელს საპატიო დოქტორის წოდებას მიანიჭებს.

🕒 19:30-20:30

ამბის დეცენტრალიზაცია, ისტორიის ხელახლა დაწერა

პანელური დისკუსია

რას ნიშნავს დეკოლონიზაცია და რეცენტრირება აღმოსავლეთ ევროპისა და პოსტსაბჭოთა სივრცისთვის? ბოლო წლებში სულ უფრო მეტად თანხმდებიან, რომ აუცილებელია ყურადღების გამახვილება რუსეთის კოლონიურ ისტორიასა და მიმდინარე იმპერიულ პრაქტიკებზე. ცნობილი ისტორიკოსები იმსჯელებენ, როგორ უნდა გავიაზროთ ეს პოლიტიკური და კულტურული იმპერიალიზმი და რა ისტორიები წაშალა ან გარიყა მან. რა ხდება, როცა აღმოსავლეთ ევროპის სხვადასხვა კულტურა აღარ განიხილება როგორც მეორეხარისხოვანი – არც რუსეთის, არც დასავლეთ ევროპის მიმართ – და აღიარებულია ევროპის ისტორიის არსებით, განუყოფელ ნაწილად?

მოდერატორი:

ზაალ ანდრონიკაშვილი (ლიტერატურათმცოდნე, ავტორი, ლაიბნიცის ლიტერატურისა და კულტურის კვლევების ცენტრი, ილიას სახელმწიფო უნივერსიტეტის პროფესორი, გერმანია/საქართველო)

მომხსენებლები:

კარლ შლოგელი (ისტორიკოსი, მწერალი, აღმოსავლეთ ევროპის ისტორიის ემერიტუს-პროფესორი, ვიადრინის ევროპული უნივერსიტეტი, ოდერის ფრანკფურტი, გერმანია)

პეტერ ენგლენდი (ისტორიკოსი და მწერალი, შვედეთის აკადემიის წევრი, შვედეთი)

ნუცა ბათიაშვილი (ანთროპოლოგიის პროფესორი, თბილისის თავისუფალი უნივერსიტეტის სამაგისტრო და სადოქტორო სკოლის დეკანი, საქართველო)

შაბათი, 13 ივნისი

მიხალ ჰვორნეცკის საჯარო გამოსვლა ილიას სახელმწიფო უნივერსიტეტში

🕒 19:00-20:30

თბილისის სიტყვა ევროპას

წამყვანი სლოვაკი მოაზროვნე, **მიხალ ჰვორნეცკი**, საქართველოს დედაქალაქიდან მიმართავს ევროპას. ევროპა ბევრისთვის არ არის მხოლოდ გეოპოლიტიკური აქტორი, არამედ – განსაკუთრებით ეგრეთ წოდებული პერიფერიიდან დანახული – თავისუფლების, სამართლიანობისა და ღირსების სიმბოლოა. ამავდროულად, ამერიკის შეერთებული შტატებისნაირ ძველ და უმნიშვნელოვანეს პარტნიორთან მზარდი დისტანცირების, რუსეთიდან მომდინარე საფრთხისა და ახალი, მკვეთრად გამოხატული ნაციონალიზმის აღზევების ფონზე, ევროპა საკუთარი თავის ხელახლა განსაზღვრის ამოცანის წინაშე დგას. შესაძლოა, საქართველო, რომელიც საუკუნეების განმავლობაში უმკლავდებოდა იმპერიულ საფრთხეს და ყოველთვის ახერხებდა თავიდან დანყებას, არის ის ადგილი, საიდანაც ევროპა უკეთ გაიაზრებს საკუთარ გზას.

ცენტრალური ევროპის ერთ-ერთი ყველაზე გამორჩეული ლიტერატურული ხმა საუბრობს იმაზე, რას ნიშნავს ევროპა დღეს და რა ძალისხმევაა საჭირო მის დასაცავად.



ილიას სახელმწიფო უნივერსიტეტის B201 დარბაზი
ი.ჭავჭავაძის გამზ. 32

2012 წლიდან, დაარსების დღიდან, „დებაბები ევროპაზე“ სტუმრობდა ისეთ ჟვეყნებს, სადაც ევროპის იდეა განსაკუთრებულად მნიშვნელოვანია და გამოწვევის წინაშე დგას. საერთაშორისო სადისკუსიო ფორუმებზე განიხილავს ევროპის დღის წესრიგის ყველაზე აქტუალურ საკითხებს და ხელს უწყობს კულტურულ და სოციალურ თემაზე თავისუფალ და ღია დებატებს. 2026 წელს დებატებს თბილისი მასპინძლობს.

S . F I S C H E R
S T I F T U N G

DEUTSCHE
AKADEMIE FÜR
SPRACHE UND
DICHTUNG



Co-funded by
the European Union



Embassy
of the Federal Republic of Germany
Tbilisi



შვედეთი
Sverige



Stiftung
Gottfried
Michelmann

